

Danghnaeuz Gou Miz Gonj Saenzbit Maj Liengz

假如我有一支马良神笔

环江思恩镇人和小学二年级 莫文涛

Danghnaeuz gou miz gonj saenzbit Maj Liengz, gou mbouj veh gim, hix mbouj veh ngaenz, gou aeu veh doiq lwgda ronghsagsag ndeu hawj bouxdafangz, hawj gyoengqde yawjraen saek seiqgyaiq hoengzhoengz heuheu, gyoengqde mbouj caiq youq ndaw laepngauq gvaq saedceij caeuq dwglau, naengz caeuq raeuz itheij yawjraen doxgaiq engq lai engq gyaundeit.

Danghnaeuz gou miz gonj saenzbit Maj Liengz, gou aeu veh aen daehsaw ndeu hawj lwgnyez lajmbanj, lij veh hauilai saw hawj gyoengqde, yienghneix gyoengqde couh naengz angqyangz bae hagdangz doegsaw, hag ndaej engq lai cihsiz.

Danghnaeuz gou miz gonj saenzbit Maj Liengz, gou aeu dawz dah iq veh ndaej sawndikndik; hawj goengqbya heusausau; hawj digiuz bienq ndaej engq gyaundeit! Hawj gij doxgaiq saet bae haenx caiq dauqma, hawj seiqgyaiq bienq ndaej engq ndei.

Gou muengh gou miz gonj saenzbit

Majliengz ngoenzhaenx vaiqdi daeujdaengz, hawj gojgaeqfangz ndaw cienzgangj cungj bienqbaenz yienhsaed gyaundeit, hawj seiqgyaiq engq gyaundeit, hawj gyoengqvunz engq vuenyungz.

(指导老师: 覃玉往)



Duzdouq

兔子

贵港市覃塘区蒙公乡古山小学二年级 韦布熙



Ranz gou ciengx miz duz douq ndeu. Duzdouq ranz gou gig ndei yawj, daengx ndang cungj dwg saekhou, yungzyubyub. Doiq rwz youh hung youh raez, diuz rieng dinjded. Duzdouq gig gyaenz gwn lauxbaeg caeuq byaekheu. Duzdouq gwn doenghyiengh seiz yiengjgedged gig ndei dingq, gou youq henz dingqny i gij sing duzdouq gwn doxgaiq feihfwd neix, aenbak gou hix nyaenx mbouj ndaej siengj gwn doxgaiq lo. Ngoenznaengz cuengqhag dauqma gou cungj bae caeuq duzdouq guhcaemz, danghnaeuz ngoenz lawz mbouj ndaej raen duzdouq, ndawsim couh gig siengj de. Gou gyaenz duzdouq ranz gou, de lumj baengzyoux gou ityiengh buenx gou majhung.

(指导老师: 陆超梅)

Geiq ndaej haemh haenx dwg 2 nyied 26 hau banhaemh, gou caeuq doengzdoh guhcaemz dauqma, baez haeuj ranz couh caenciet hemq "daxbuz, daxbuz". Mbouj dingqny i daxbuz han, gou nyoengx hai dourug, hai daeng le, yawjraen daxbuz ninz youq gwnz congz, diemheiq gig gaenj, gou muengz byaij gvaqbae sing unq cam: "Daxbuz, mwngz bingh la?" Daxbuz ngaekngaek gyauej, mbouj guhsing, cijdwg yungh song fwngz gaemh fwngz gou, seizhaenx gou roxnyinh gij fwngz daxbuz daegbied ndat. Gou rox daxbuz haengjdingh dwg fatndat lo, baenzlawz guh ne? Daxboh daxmeh cungj youq baihrog dajgoeng, neix baenzlawz guh cij ndei. Gou gietdingh bae aeu yw hawj daxbuz gwn. Gou daj ndaw gang cuengq cienz aeu cienz daeuj, buet bae coh

Gyanghwnz Raezrangrang

长夜漫漫

环江思恩镇清潭小学四年级 覃雅

veiswnghsiz ndaw mbanj.

Daengz veiswnghsiz ndaw mbanj, gou dawz gij bingh daxbuz lwnh hawj canghyw dingq, canghyw geiqloeg bingheingz le, couh hai yw hawj gou, daengq gou baenzlawz gwn yw le, gou couh ganjgip buet dauqma lo.

Ma daengz ranz, gou sien aeu raemxgoenj cung bauyw bwnq daxbuz gwn, yienzhaeuh caiq hawj daxbuz gwn ywnaed. Daxbuz gwn yw sat le, couh ninz lo, gou bang daxbuz hoemq

denz ndei, couh byaij ok rug daeuj.

Gou gwn caeuz le, gaenq dwg banhaemh cib diemj cung lo. Gou haeuj rug bae yawj daxbuz, daxbuz lij ninzndaek, najbyak daxbuz ok hanh lo, gou youh momo laenghwet daxbuz, ya! Buh cungj dumz lo. Gou ganjvaiq aeu bat raemxraeuj daeuj, yungh sujbaq bang daxbuz uet ndang, youh bang daxbuz vuenh buh seuq. Muengz sat le, gaenq dwg gyanghwnz cibngeih diemj cung lo. Gyanghwnz caem-



Lijsiengj Gou

我的理想

贵港市覃塘区蒙公乡古山小学六年级 邓桂敏

Bouxbox vunz cungj miz lijsiengj swheij, lijsiengj gak boux vunz cungj mbouj doengz, aen lijsiengj gou dwg guh boux lamzgiuz yindungyenz okmingz ndeu.

Guh lamzgiuz yindungyenz, mwh dwkgiuz couh aeu daenj geu buhyindung, vihneix lauxsae heuh gou baema caeuq daxmeh siengliengz, aeu ngaenz bae cawx. Yienznaeuz gangj dwg siengliengz, danhseih neix dwg gij saeh gig haengjdingh lo. Ma daengz ranz, gou caeuq daxmeh gangj le, daxmeh cix naeuz: "Ndaw ranz mbouj miz ngaenz." Dingq gij vah daxmeh le, gou ndawsim gig nanzgvaq, gou rox ndaw ranz hoj, dou sam beixnuengx cungj lij iq, daxgoeng daxbuz laux lo, daxmeh youq ranz fugsah lauxiq, dan baengh daxboh boux dog youq rog ra ngaenz, baenzlawz mbouj hoj ne? Hoeng, guh boux lamzgiuz yindungyenz dwg aen lijsiengj gou, danghnaeuz gou aenvih mbouj miz ngaenz cawx geu buhyindung, couh deng doiq ok aen doih lamzgiuz, neix caen hawj gou simnyap.

Seizneix, daxgoeng youq henz gangj vah lo, hoeng gij vah daxgoeng engq hawj gou doeknaiq, de gingqyienz heuh gou cigciep doiqok lamzgiuzdui.

Ae! Baenzlawz banh ne? Gou giengiet mbouj haengj doiq ok lamzgiuzdui, vihneix, gou roengz-rengz guhhong, cawz bae guh caez gij hong daxmeh anbaiz haenx, miz seiz lij bang ranznden guh di saeh, yienghneix bouxlaux miz seiz hawj gou di ngaenz dangguh dajciengj, gou dawz di ngaenz neix rom roengzdaeuj cawx buhyindung.

Vihliux saedyienh aen lijsiengj gou, gou moix ngoenz baez ndaejhoengq couh bae giuzcangz lienh dwkgiuz, hawsim dingq lauxsae doengzhag daezok gij yigen doiq haenx, caiq bae gaijcingq. Cijaeu gou roengzrengz, gij lijsiengj gou itdingh ndaej saedyienh.

(指导老师: 黄吉星)

rwgrwg, gou gig ndeilau, mbouj gamj ndaep daeng, maqmuengh haemhlaep vaiqdi gvaqbae. Haemh haenx, gou mbouj gamj laepda, yousim baez ninzndaek, ndiu daeuj le, daxbuz couh mbouj raen lo.

Seizgan menhmenh gvaqbae, gou roxnyinh hwnz haenx raezrangrang.

(指导老师: 韦志略)

